

## Ein vorred jn das narren schyff.

a2r

1' Zū nutz vnd heylsamer ler / vermanung  
 2' vnnnd eruolung der wißheyt / vernunfft  
 3' vnd gütter sytten / Ouch zū verachtung  
 4' vnd straff der narheyt / blyntheyt / yrssal  
 5' vnd dorheyt / aller stât / vnnnd geschlecht  
 6' der menschen / mit besonderem flyß ernst  
 7' vnd arbeyt gesamlet zū Basel / durch  
 8' Sebastianum Brant. jn beyden rechten doctor.

1 All land syndt yetz voll heylger geschriff  
 2 Vnd was der selen heyl an trifft /  
 3 Bibel / der heylgen vätter ler  
 4 Vnd ander der glich bücher mer /  
 5 Jn maß / das ich ser wunder hab  
 6 Das nyemant bessert sich dar ab /  
 7 Ja würt all gschriff vnd ler veracht  
 8 Die gantz welt lebt jn vinstre nacht  
 9 Vnd düt jn sünden blindt verharren  
 10 All strassen / gassen / sint voll narren  
 11 Die nüt dann mit dorheyt vmbgan  
 12 Wellen doch nit den namen han  
 13 Des hab ich gdacht zū diser früst  
 14 Wie ich der narren schyff vff rüst  
 15 Galleen / füst / kragk / nawen / parck  
 16 Kyel / weydling / hornach / rennschiff starck

a ij

---

1' vermanung *GW5041 GW5046* ] verachtung *GW5047*

17 Schlytt / karrhen / stoßbären / rollwagen  
 18 Eyn schiff möcht die nit all getragen  
 19 Die yetz sint jn der narren zal  
 20 Eyn teyl keyn für hant über al  
 21 Die stieben züher wie die ymmen  
 22 Vil vnderstont zü dem schiff schwymmen  
 23 Eyn yeder der will vorman syn  
 24 Vil narren / doren kumen dryn  
 25 Der bildniß ich hab har gemacht  
 26 Wer yeman der die gschrift veracht  
 27 Oder villicht die nit künd lesen  
 28 Der siecht jm molen wol syn wesen  
 29 Vnd fyndet dar jnn / wer er ist  
 30 Wem er glich sy / was jm gebrist /  
 31 Den narren spiegel ich diß nenn  
 32 Jn dem eyn yeder narr sich kenn  
 33 Wer yeder sy würt er bericht  
 34 Wer recht jn narren spiegel sicht  
 35 Wer sich recht spiegelt / der lert wol  
 36 Das er nit wiß sich achten sol  
 37 Nit vff sich haltten / das nit ist /  
 38 Dann nyeman ist dem nütz gebrist  
 39 Oder der worlich sprechen tar  
 40 Das er sy wiß / vnd nit eyn narr  
 41 Dann wer sich für eyn narren acht  
 42 Der ist bald zü eym wisen gmacht  
 43 Aber wer ye will witzig syn  
 44 Der ist fatuus der gfatter myn  
 45 Der düt mir ouch dar an gewalt  
 46 Wann er diß büchlin nit behalt

a2<sup>v</sup>

47 Hie ist an narren keyn gebrust  
 48 Eyn yeder fyndt das jn gelust  
 49 Vnd ouch war zû er sy geboren  
 50 Vnd warvmb so vil sint der doren /  
 51 Was ere vnd freüd die wißheyt hat /  
 52 Wie sörglich sy der narren stat /  
 53 Hie fyndt man der welt gantzen louff  
 54 Diß büchlin würt gût zû dem kouff  
 55 Zû schympff vnd ernst vnd allem spil  
 56 Findt man hie narren wie man wil /  
 57 Eyn wißer fyndt das jn erfreüdt  
 58 Eyn narr gern von syn brüdern seyt /  
 59 Hie findt man doren arm vnd rich  
 60 Schlym schlem / eyn yeder findt syn glich /  
 61 Jch schrott eyn kapp hie manchem man  
 62 Der sich des doch nit nymet an  
 63 Hett ich jn mit sym namen gnent  
 64 Er sprech / ich hett jn nit erkennt /  
 65 Doch hoff ich das die wisen all  
 66 Werdent har jnn han wolgefall  
 67 Vnd sprechen vß jr wissenheyt  
 68 Das ich hab recht vnd wor geseit  
 69 Sydt ich solch kuntschafft von jn weiß  
 70 So geb ich vmb narren eyn schweyß  
 71 Sie müssen hören worheit all  
 72 Ob es jnn joch nit wol gefall  
 73 Wie wol Terencius spricht / das  
 74 Wer worheit sag / verdienet haß  
 75 Ouch wer sich lang zyt schnützen dût  
 76 Der würfft ettwan von jm das blût

77 Vnd wann man Coleram anreygt  
 78 So würt die gall gar offt beweygt  
 79 Dar vmb acht ich nit / ob man schon  
 80 Mit Worten mich würt hyndergon  
 81 Vnd schelten / vmb myn nutzlich ler  
 82 Jch hab der selben narren mer  
 83 Den wißheyt nit gefallet wol  
 84 Diß büchlin ist der selben vol  
 85 Doch bitt ich yeden / das er mer  
 86 Will sehen an vernunfft vnd er  
 87 Dann mich oder myn schwach gedicht  
 88 Warlich hab ich on arbeit nicht  
 89 So vil narren zů samem bracht  
 90 Jch hab ettwan gewacht zů nacht  
 91 Do die schlieffent der ich gedacht  
 92 Oder villicht by spyl vnd wyn  
 93 Sasset / vnd wenig dochtent myn /  
 94 Eyn teyl jn schlytten vmbher füren  
 95 Im schne / das sie wol halb erfrüren  
 96 Eyn teyl vff kalbßfüß gingen sust  
 97 Die andern rechten jr verlust  
 98 Den sie den tag hetten gehan  
 99 Vnd was jnn gewyns dar vß möcht gan  
 100 Oder wie sie morn wolten liegen  
 101 Mit gschwätz / verkouffen / manchen triegen  
 102 Den selben noch zů dencken all  
 103 Wie mir jr wyß / wort / werck / gefall  
 104 Jst wunder nit / ob ich schon offt  
 105 Do mit myn gdicht nit würd gestrofft  
 106 Gewacht hab / so es nyeman hofft

---

91 schlieffent *GW5046 GW5047* ] schleyffent *GW5041* 97 andern *GW5041 GW5046* ] andren *GW5047*

107 In disen spiegel sōllen schowen  
 108 All gschlecht der menschen mann vnd frowen  
 109 Je eyns ich by dem andern meyn  
 110 Die mann sint narren nit alleyn  
 111 Sunder findt man ouch nārrin vil  
 112 Den ich die schleyer / sturtz vnd wile  
 113 Mit narrenkappen hie bedeck  
 114 Metzen hant ouch an narren rōck  
 115 Sie wellen yetz tragen on das  
 116 Was ettwan mannen schāntlich was /  
 117 Spitz schūch / vnd vßgeschnytten rōck  
 118 Das man den milchmerck nit bedeck  
 119 Wicklen vil hudlen jn die zōpff  
 120 Groß hörner machen vff die kōpff  
 121 Als ob es wer eyn grosser stier  
 122 Sie gānd har wie die wilden thier /  
 123 Doch sōllen erber frowen mir  
 124 Verzyhen / dann ich gantz nit jr  
 125 Gedencken zū keym argen will  
 126 Den bösen ist doch nit zū vil  
 127 Der selben man eyn teyl hie fyndt  
 128 Die jnn dem narren schyff ouch syndt  
 129 Dar vmb mitt fliß sich yedes sūch  
 130 Fyndt es sich nit jn disem būch  
 131 So mag es sprechen / das es sy  
 132 Der kappen vnd des kolben fry  
 133 Meynt yemant das ich jn nit rūr  
 134 Der gang zūn wisen für die thūr  
 135 Vnd lyd sich / vnd sy gūter ding  
 136 Biß ich eyn kapp von Franckfurt bring

a iij

---

**109** andern *GW5041 GW5046* ] andren *GW5047*    **117** schūch *GW5046 GW5047* ] fchū  
*GW5041*